



31. Oktober 2011

Inatsisartut suleriaasianni § 37 naapertorlugu Naalackersuisunut apeqqut imaattoq matumuuna saqummiuppara:

**Naalackersuisunut Apeqqut:**

1. Juulli sioqqullugu nalinginnaasumik akissarsisoqassannginneranut suna peqquataava?
  2. Kikkunukua juulli sioqqullugu akissarsissanngitsut? Ilinniartut ilinniagaqarnersiutisissanngillat juulli sioqqullugu?
  3. Kattuffiit juulli sioqqullugu akissarsisoqannginnissaa pillugu oqaloqatigineqarsimappat?
  4. Kattuffiit oqaloqatigineqarsimanngippata oqaloqatigineqarniarpat?
- (Inatsisartuni ilaasorta, Kristian Jeremiassen Siumut)

**Tungavilersuut**

Siullermik Naalackersuisut qinnuigivakka nalinginnaasumik akissarsisarneq juullilernerani pisarsimasoq ingerlatiinnaqullugu, juullimi akissarsiat atorneqarluartarnerat pissutigalugu.

Ukiutoq sioqqullugu akissarsinissaq isumaqatinginngilara, ukiutoqqamimi aalakoornert annertuujusarput taamaalilluni inersimasut aalakoortoqarnerunissaa qulariunnaarpara akissaqarnerulissamatami imigassarsinissaminut.

Apeqqutiginiarpara suna peqquataava juulli sioqqullugu akissarsisoqannginnissaanut?

Taamatuttaarlu paaserusuppara kikkut juulli sioqqullugu akissarsissanngitsut, tamatumani erseqqarissumik tulleriiaaquakka akissarsinngitsoortussat, aammalu ilinniartut juulli sioqqullugu ilinniagaqarnersiutinik pissarsissannginnersut paaserusuppara.

Kattuffiillu juulli sioqqullugu akissarsisoqannginnissaa pillugu oqaloqatigineqarsimappat? Taamatuttaarlu kattuffiit oqaloqatigineqarsimanngippata oqaloqatigineqarniarpat?

Kissaatigaara apeqquteqaatikka ullut suliffiusut qulit iluanni akineqareersimanissaat.